

O'ZBEKISTON RESPUBLIKASI "SAYLOV KODEKSI" MUDDATIDAN ILGARI SAYLOVLAR HAQIDAGI MODDALAR BILAN TO'LDIRILDI.

O'zbekiston Respublikasi "Saylov kodeksi"ga prezident, Qonunchilik palatasi deputatlari va Senat a'zolarining navbatdan tashqari saylovlarni o'tkazish yuzasidan o'zgartishlar kiritildi. Prezident davlat rahbari uchun muddatidana ilgari saylovlarni tayinlaganida, ular 2 oy ichida o'tkazilishi kerak.

Joriy yilning 8-may kuni "O'zbekiston Respublikasining ayrim qonun hujjatlariga o'zgartirish va qo'shimchalar kiritish to'g'risida"gi O'RQ-838-son Konstitutsiyaviy Qonuni kuchga kirdi.

Unga ko'ra "Saylov kodeksi"ning 66-moddasida (**O'zbekiston Respublikasi Prezidentligiga Muddatidana ilgari saylov**):

O'zbekiston Respublikasining amaldagi Prezidenti o'z vazifalarini bajara olmaydigan holatlarda uning vazifa va vakolatlari vaqtincha Senat Raisining zimmasiga yuklatiladi, bunda uch oy muddat ichida, ushbu Kodeksga to'liq muvofiq holda O'zbekiston Respublikasi Prezidenti saylovi o'tkaziladi.

O'zbekiston Respublikasi Prezidenti muddatidana ilgari O'zbekiston Respublikasi Prezidenti saylovin tayinlagan taqdirda, saylov ushbu Kodeksga to'liq muvofiq holda ikki oy ichida o'tkaziladi. Bunda saylovga tayyorgarlik ko'rish hamda uni o'tkazishga doir tadbirlarni amalga oshirish muddatlari Markaziy saylov komissiyasi tomonidan belgilanadi deb bayon etildi.

Shuningdek, Kodeksda 741--modda (**Qonunchilik palatasi deputatlarining muddatidana ilgarigi saylovi**) ham o'rin olgan. Unda aytishicha, Qonunchilik palatasi prezident tomonidan tarqatib yuborilgan taqdirda, Qonunchilik palatasi deputatlarining saylovi ushbu Kodeksga to'liq muvofiq holda uch oy ichida o'tkaziladi. Qonunchilik palatasi tomonidan o'zini o'zi tarqatib yuborish to'g'risida qaror qabul qilingan taqdirda, Qonunchilik palatasi deputatlarining saylovi ushbu Kodeksga to'liq muvofiq holda ikki oy ichida o'tkaziladi. Bunda saylovga tayyorgarlik ko'rish hamda uni o'tkazishga doir tadbirlarni amalga oshirish muddatlari Markaziy saylov komissiyasi tomonidan belgilanadi.

Hamda Kodeks 871—moddasi bilan to'ldirildi. Mazkur moddaga ko'ra (**Senat a'zolarining muddatidana ilgarigi saylovi**) Senat prezident tomonidan tarqatib yuborilgan taqdirda, Senat a'zolarining saylovi ushbu Kodeksga to'liq muvofiq holda uch oy ichida, Senatning o'zi tomonidan tarqatilsa, bir oy ichida o'tkaziladi.

O'zbekiston Respublikasining "Saylov kodeksi"ga kiritilgan o'zgartirish va qo'shimchalarga asosan 2023 yil 8 may kuni O'zbekiston Respublikasi Prezidentining "Muddatidana ilgari O'zbekiston Respublikasi Prezidenti saylovini tayinlash to'g'risida"gi Farmoni qabul qilindi. Mazkur Faromonga ko'ra 2023 yil 9 iyul kuniga muddatidana ilgari O'zbekiston Respublikasi Prezidenti saylovi tayinlandi.



[Bizni ijtimoiy tarmoqlarda kuzating](#)

[Facebook](#) | [Instagram](#) | [Youtube](#) | [Telegram](#)

2023-05-29 09:24:02